



Il director da la Viafier retica Hans Amacker (san.) cun Stefan Engler, il president dal cussegl d'administraziun.



Ina da las numerusas locomotivas preschentadas a chaschun da l'occurrènza da giubileum.



Cussegliera nazionala Silva Semadeni cun Tarsizius Caviezel, president communal da Tavau.



Ilis autograms da Jamick Schwendener (san.) ed Enzo Corvi, ils dus giugaders dal HCD, eran desiderads.



Bain in siemi per blers mattatschs da daventar locomotivist.



Vegnidas fatgas en sonda passada tar la Viafier retica nundumbraivlas fotografias.

FOTOS G. N. STGIER/N. SIMMEN

Be fatschas cuntentas tar la gronda festa

Giubileum 125 onns Viafier retica

DA GION NUTEGN STGIER / ANR

■ La Viafier retica è e resta in magnet che attira l'interess da vegl e giuven. Da quai da 12 500 personas han nizzegià l'occaiun da guardar davos las culissas dal manaschi sonda passada a Landquart. Il numerus public è stà fascina dal tagl transversal 125 onns Viafier retica. Per sonda passada aveva la Viafier retica envidà ad in di da las portas avertas, quai a chaschun da ses anniversari da 125 onns. Vegnids en gratulants e gratulants en rotschas e gia a bun'ura era grond travagl sin l'areal da la Viafier retica a Landquart. Vegnids per gratular a la giubilara en dentant betg mo millis e millis Grischuns e Grischunas, mabain er bleras personas dad autras regiuns da la Svizra e lura er cunzunt blers amis da viafier da la Germania. Gist tar quels tutga la Viafier retica tar ina da quella attraziuns sco paucas autras da quel gener. En in culp tants «freaks» da viafier, quai han ins segir darar vesì en il Grischun, quai che conferma er che la Viafier retica vegn apprezzada da tuts.

Dapertut colonnas

L'interess per las singulas preschentaziuns en ils lavuratoris ed er enturn quels è stà immens grond. En pauc temp dapertut colonnas per insumma entrar en ils lavuratoris e per assister a las numerusas occurrenzas dal program fitg varià. La parada da locomotivas è segir stada ina da las grondas attraziuns da quel di da las portas avertas. Tar quella han ils numerus visitaders gi l'occaiun da contemplar locomotivas e vagns dals ultims 125 onns. Ina ulteriura attraziun e cunzunt er in motiv per fotogra-



Ruedi Bruderer, il redactor dal film «Ils pioniers da la viafier en il Grischun».

far è lura er stada la locomotiva a vapur G3/4 «Rhätia» che datescha dal 1889. Per ir cun quella locomotiva istorica sin in pitschen viadi han ils visitaders spitgà gugent e surtut gi gronda pazienza. Giudi il di han lura er ils numerus uffants e cunzunt il chantadur Linard Bardill ed il comicher Clà Ferrovia han procurà per anc meglra luna tar ils pli pitschens visitaders.

In cudesch ed in film

Tranter ils numerus giasts era bunamain l'entira prominenz politica da noss chantun. En il decurs dal suentermezdi è quella lura s'entupada en il Forum Ried a Landquart per assister al film «Ils pioniers da la viafier en il Grischun» che Ruedi Bruderer da Radiotelevision Rumantscha ha fatg per la Viafier retica. In film singular che

mussa en pled e maletg la realisaziun da la viafier en noss chantun, in product che tutga er cun ses 125 onns tar il placat dal Grischun. Per quel giubileum ha la Viafier retica er edi in cudesch e dus «DVDs» ed er la preschentaziun da quels è stada ina part da l'occurrènza da giubileum da sonda passada. Stefan Engler, il president dal cussegl d'administraziun da la Viafier retica, ha cunzunt chattà be buns plects per ils iniziants e pioniers che han realisà avant 125 onns la viafier en noss chantun. A pled è er vegnì Roger de Weck, il director general da la SRG. La Viafier retica saja la pli emozionala viafier dal mund, ha el ditg. Da sia opiniun en en tuts cas er stadas sonda passada las 12 500 personas ch'èn vegnidas per gratular a la dama pli sin ils onns.



Linard Bardill (san.), il chantadur rumantsch ed il comicher Clà Ferrovia han cunzunt intgantà il public giuven.